

Oberfläche Goofe

Streng geheim
Helge: Taki

Wikileaks macht d' Wält transparänter
Meh gsehd d'Misständ i allne Länder
Au d'Schwiiz chund do ned guet devo
Was wird echt alls no usecho?


Söt öpperd euse PC hecke
Und eusi gheime Bänk ufdecke
Denn hend mer Goofe Gott sei Dank
Zur Not dehei es, Gwehr im Schrank.



D'Finanzkrise
Helge: Mina

D'Finanzkrise die schlimmi Süch
Gschpört mer ide Köpf ond Büch
Drom bruchts äs bezli Innovation
Suscht stürzt die Krise nie vom Thron.


Mer Goofe gänd im Steve en Klops
Ond schaffed mit Ideä Jobs.
Euses Produkt wänd all dihei
mer nännets i, ond sesch es Ei



Schwarze Schafe
Helge: Meinrad

De Oskar Freysinger vo Savièse
Het mau am Morge frühe dänkt äs längt jetze
Ir Strass vo de minarettlose Moschee,
Het är nor d'Ouge gseh
Ond dänkt jetzt tuen i d' Lüüt mit Burka Stresse.

Mer Goofe säged dasch en Shit
Das Vorhabe got ' zwenig wiit
Mer schlönd äs Chopftuechverbot vor
Dänn gsächt mer d'Hoor, vom Chris von Rohr.



www.goofe.ch

Pendlerwahn
Helge: Myrta



'Doris Leuthard vom Bundesrat
Vo Rumplanig sehr viel verstoht.
Was bruchsch dänn Mobilität, als Goof
Verstohsch vo pändle nor Bahnhof.

Min Papi hät eus dänn erchlärt
De Bode segi öppis wert.
Wo jetzt no Wese isch und Wald
Sött mer d'Grünenflächi phalte halt.
D'Frau Leuthard meint mer müess ned immer
Of Bade, Spreitebach und schlimmer.

Ichäuf uswärts mue mer vergässe
Im Fläcke gets gueti Adresse.
En Weg wo mer sich gschieder spart
Isch dä in Coop ' met, de Zurzi Card



Siebeneinhalbminutentakt RVBW (Bade)

Helge: Andrea

Das' seb'ne-half Minute goht
Wenn mer a de Haltstell stoht
Bevor de nächschi Bus werd cho
Wie esch de Rhythmus denn zverstoh?
(de Bus Nommerä 9 richtig Roggenbode folgt i 29.5 min) (Taki)

Wieviel seb'ne halb Minute sind
Bringed mir Goofe ned in Grind
Wie wott d'RVBW das mache?
Stönd die nur uf halbi Sache?
(de Bus Nummer 9 Richtig Roggenbode folgt i 14.5 min) (Taki)

In Zuekonft wämer got id Bäder
Brucht mer kei Pfote und kei Räder.

D' Gondle schnurrt im nächschte Akt ...
D' Gondle schnurrt im nächschte Akt
Sogar im halb Minute Takt
Dä Usbau wär en riise Satz (Pause)
Aber, wir warten, für die Katz.




Fussball-WM-Kandidatur

Helge: Mina

Wänn de Depp Blatter ä WM wett
Spielt d'FIFA russisches Roulette
Dä Beckham und de Williäm
Händ es top Dossier für d'W-Äm
Das Engagement wird ned verschmuust
Drum esch Ängland ned amused

Die Gschicht hät au no ä Moral
De Kate isch Fuessball scheissegal.
Mer Goofe chönd de Grund erahne
Ihre Prinz hät jetzt Ziit, zom d'Hochziit plane.



Campus-Bau (Zurzi)

Helge: Myrta

Demet im Aargau au die Helle
Sich labe chönd a Wössensquelle
Werd z'Brugg en Campus bout, en fade
Als Goof meinsch die müend im Geld bade.

Doch de Kanton verloht die Wälle
Er tuet Entscheid au sparsam fälle.
Während in Brugg s'Geld heiss cha sprudle
Fehl't's Zurzi zom, en Tunnel buddle



Royalnutzung (Bade)

Helge: Taki

Zom Thema Bäder Stadt Kultur
Säged mer Goofe eifach nor
Bade statt Kultur! Kultur statt Bade!
Stadtkultur! Fort met däne Gade!

Drizäh Parkfälder hetts gäh, im Fall,
Wo jetzt stoh bliibt s'Kino Royal.
Mer gseht es miechti beides Sinn
Drom mached drus jetzt, es drive in.



Machterhaltung

Helge: Urs

Il Cavaliere us em Nochberland
Bütet jo so allerhand
Er strahled und isch immer fit
Wiit weg liit sini Halbwärtsziit.

Mer Goofe händs scho längstens gschnallt
Das d'Macht z'Italie ned zerfallt
Bevor Er zrogg tritt de Versager
Hät d'Schwyz bestimmt scho, äs Ändlager

